



UNIVERSITÄTS-
BIBLIOTHEK
PADERBORN

Universitätsbibliothek Paderborn

Militarivm Ordinvm Origines, Statvta, Symbola, Et Insignia, Iconibus, additis genuinis

Mennens, Frans

Maceratae, 1623

Ordo Eqvitvm S. Michaelis apud Gallos.

urn:nbn:de:hbz:466:1-10718

Comes Fundorum, Ferdinandus Gueuara Comes Belcastri, Alphonsus Gueuara Comes Archarum, Marinus Caracxolus Comes Sancti Angeli, Iacobus Caracxolus Comes Burgentia Virginis Vrsinus, & Ioannes Iordanus filius eius, Robertus Vrsinus Tagliacotij, & Alba Comes, Diomedes Carrasa Comes Magdolori, Scipio Pandonus Comes Venasfr, Andreas de Capua Altiuilla Comitit filius, Mattheus de Capua Palena Comes, Antonius Carrasa Mōtisdragonis dominus, Galeatius Caracxolus Vici dominus, Domitius Caracxolus Ruodi dominus,

& Calabria Gubernator, Galeotus Carrasa Tirioli dominus, & Regis consanguines, Gueuara de Gueuara Arpaia dominus & Vallis Beneuentana Gubernator, Loysius de Aquino Castellioni dominus, Albericus Carrasa & Iacobus Carrasa de spino Castrueteris dominus. Apud eundem Paccam habetur mentio de Societate Argatæ & Leonzæ (vt eius verbis utar) quia autem Societates ipsæ neque Regum Institutores habuere, neque verè Equitum Ordines sunt, sed quædam potius Confraternitates, idèo eas omitto.

ORDO EQVITVM S. MICHAELIS
apud Gallos.



Praclarum illum morem, vt proceres torque auro insigniretur a Romanis ad Francos traduxit Ludouicus XI. cum, vt ait Gaguinus, Kalend. Augusti, Anno 1469. ordinem D. Michaelis Ambasiæ institueret, noniq; iterū statutis Anno 1476. Piesij augeret. Symboli loco, tuos insigniens torque auro, cochleis (quæ Romanis

Senatoribus surgentes in sacertis prominebant) inter se hærentibus, & D. Michaelis cacodæmonem e cælo deturbantis imagine appensa: additoq; emblemate immensi tremor Oceani. Prouocatus utique exemplo patris Iulii Caroli VII. cui pro insigni bellico, huius Archangeli fuit effigies, cum primitias potissimum inaugurationis ce le-

Symbolum
ordinis Michaelis.
B. Corius.
lib. 7. c. 47.

celebraret Rothomagi. Sumptum id, adeoq; sancitum in singulos Reges ab illustri, ut aiunt, miraculo, seu præsentia D. Michaelis in prælio ad pontem Aurellanensem, hostes Anglos, urbemq; à dira oppugnatione arcens, ac propullantis. Hisce insignibus Militariibus comprobationem virtutis, cõcordiæ, fæderisque perpetui pignus, item & coronam præclare actorum cõmunemque inter Equites Tortunarum æstimationem contineri, interpretatur Claudius Paradinus in symbolis Heroicis. Initio verò fuit cohors quedam triginta sex regni procerum, inculpatorum equitum, dicta à D. Michaeli, societatis præside: quibus Rex ipse primas adnumerari voluit, eodẽque quo ordinem inchoavit momento, solemnè lustratione XV. Heroas, quos ob honorem, & nomenclaturæ prærogatiuam silentio præterire fas non est, in eundem adsumpsit. Primi itaque fuere Carolus & Ioannes: hic Borbonij, ille Aquitanix Dux, Ludouicus Luxemburgus Comes Fani Pauli, magister Equitum; Andreas Lauallius Tribunus Equitum; Ioannes Sanserranus Comes; Ludouicus Bellemontanus Foresti & Plessij dominus; Ludouicus Totevillanus Torrij dominus, Ludouicus Lauallius Chastillonæ dominus, Ludouicus Borbonius nothus, Comes Rossillanus, maris præfectus, Antonius Cabarrenus Darnartini Comes archieconomus; Ioannes Armeniacus nothus Comingensium Comes, militum tribunus; Georgius Trimoleus, Gilbertus Chabanus, Carolus Crusolius Pictorum iuridicus, Taneguinus à Castello præfectus Ruslinonensis: reliqui sodalium suffragijs electi. Qui porro huic sodalicio nomina dāt, in verba Principis adiguntur, eoque neminem moueri constat, nisi hæreseos, aut proditionis reum peractum, aut signorum desertorem. Quando verò agebatur de aliquo in demortui locum eligendo, non suffragijs sed tabulis (Balōtas Venetivocant) à verbo Græco Ballan) electio fiebat. Quæ ob signatæ in peluim conijciebantur, quibus à Cancellario

numeratis, qui plures tulisset, in collegio cooptabatur, hac verborum formula à Principe prolata: *Te ordo Fratrum* (ita enim vicissim se appellare solent Equites) *& sodalis loco habet, eaq; ratione te torque hoc donat, faxie Deus eum diutius gestes.* Deinde in perpetui amoris testimonium, singulos exoscularatur, iisque mos fuit, in collegium Sodalitatis adlegendi. Est & suus huic Ordini Cancellarius & thesaurarius ut vocant, caduceator, seu fecialis, cui à Diuo Michaeli nomen est, & scriba qui equitum præclare gesta litteris, & memoriæ perpetuæ mandaret. Eo numero legimus exauthoratum Ludouicum Luxemburgum, vnum ex illis maiorum gentium Torquatis Equitibus, de quo conchyliato honore abrogato, publice in Grauiâ Lutetiæ sumptum supplicium. Moris enim, Regibus, munus hoc etiam in externos Principes conferre, in honoris & benevolentix indicium: qui si eorum hæstes velint se profiteri, per internuntios torque remittunt, ut omni sacramenti religione soluti, alteri Principi strenuam operam narent. Quod sepe hisce nostris temporibus contigit. Et anno 1559. Philippus Hispaniarum Rex Gandavi Equitum aurei velleris concilium celebrans, ordinis torque Octauio Parmensium Duci, quem ille accepto à Rege Gallorum conchyliati ordinis insigni, superiorum bellorum tempore abiecerat, restituit. Huius ordinis statuta & leges ex magno constitutionum volumine regni Francorum, ut refert Ioannes Iulius lib. 2. de Rebus Gallicis mandata sunt typis, & vulgari lingua passim circumferuntur à Francisco Sansouino, & alijs de quibus consule Petrum Matthæum, & Franciscum Modium, qui comitia ordinis, & ceremoniarum solemnità ab Henrico II.

Anno 1548. celebrata perquam copiose persequitur in Pandectis triumphalibus tom. 1. lib. 2.

O R D O